



ԵԱՀԿ

Եվրոպայում անվտանգության և
համագործակցության կազմակերպություն
Երևանյան գրասենյակ

Հ ՈՒ Շ Ա Գ Ի Ր

***Հայաստանի Հանրապետության կրթության և գիտության նախարարության և
Եվրոպայում անվտանգության և համագործակցության կազմակերպության երևանյան
գրասենյակի միջև
համագործակցության և աջակցության մասին***

Հայաստանի Հանրապետության կրթության և գիտության նախարարությունը (այսուհետ՝ Նախարարություն) և Եվրոպայում անվտանգության և համագործակցության կազմակերպությունը (ԵԱՀԿ)՝ ի դեմս ԵԱՀԿ երևանյան գրասենյակի (այսուհետ՝ Գրասենյակ), այսուհետ՝ «Կողմեր»,

եղևելով Մարդու իրավունքների համընդհանուր հռչակագրի 26-րդ հոդվածից, որն իր 1-ին և 2-րդ պարբերություններում սահմանում է, որ «յուրաքանչյուր ոք ունի կրթության իրավունք» և «կրթությունը պետք է նպատակաուղղված լինի անձի լիարժեք զարգացմանը և մարդու իրավունքների և հիմնարար ազատությունների նկատմամբ հարգանքի ամրապնդմանը»,

նկատի ունենալով Խորհրդատվական կոմիտեի կողմից «Մարդու իրավունքների կրթության և վերապատրաստման մասին Միավորված ազգերի կազմակերպության հռչակագրի» մշակման գործընթացը,

վերահասարակելով և հիմնվելով Մարդու շրջակա միջավայրի հարցերին նվիրված Միավորված ազգերի համագումարի հռչակագրի և Շրջակա միջավայրի և զարգացման Ռիոյի հռչակագրի վրա,

ողջունելով Միավորված ազգերի կազմակերպության «Շրջակա միջավայրի հարցերի առնչությամբ տեղեկատվության մատչելիության, որոշումների ընդունման գործընթացին հասարակայնության մասնակցության և արդարադատության մատչելիության մասին» կոնվենցիայի իրագործմանն ուղղված շարունակական ջանքերը, որը ճանաչում է, որ շրջակա միջավայրի համարժեք պաշտպանությունը կարևոր է մարդկանց բարեկեցության և հիմնարար մարդու իրավունքներից օգտվելու համար,

համաձայնելով, որ ուստիկանության ոլորտում բարեփոխումների զգալի առաջխաղացումը խթանող հիմնական բաղկացուցիչներից են կրթական բարեփոխումները,

համաձայնեցին հետևյալի մասին.

Հոդված 1

1. Կողմերը կնպաստեն բոլոր ուսումնական հաստատություններում մարդու իրավունքների մասին կրթության կազմակերպմանը հիմնված՝ հանդուրժողականության և մասնակցային մոտեցման խթանման և ուսուցման ինտեգրացիոն տեխնոլոգիաների վրա:

2. Կողմերը կհամագործակցեն ֆորմալ եւ ոչ-ֆորմալ կրթության ոլորտներում մարդու իրավունքների արդյունավետ կրթական ծրագրերի և դասընթացների նախագծման շուրջ՝ հետևելով Մարդու իրավունքների կրթության համաշխարհային ծրագրի առաջարկություններին:

3. Կողմերը միջոցներ կձեռնարկեն մարդու իրավունքների կրթության եւ վերապատրաստման որակը բարելավելու ուղղությամբ, անհրաժեշտության դեպքում՝ կարիքների անկախ գնահատում անցկացնելու, փորձագիտական աջակցություն տրամադրելու և հնարավորությունների հզորացման գործողություններ իրականացնելու միջոցով:

4. Ի կատարումն 1989թ. Վիեննայի փաստաթղթում սահմանված պարտավորությունների, Նախարարությունը կխրախուսի, իսկ Գրասենյակը կաջակցի ԵԱՀԿ Հելսինկյան վերջնական ակտի ամբողջական ընդգրկմանը դպրոցների և բարձրագույն ուսումնական հաստատությունների կրթական ծրագրերում:

Հոդված 2

Կողմերը կհամագործակցեն հատուկ հանրակրթական ուսումնական հաստատություններում նորաստեղծ հասարակական դիտորդական խմբի մասնագիտական հմտությունների զարգացման հարցում՝ կազմակերպելով վերապատրաստման դասընթացներ, սեմինարներ եւ աշխատանքային հանդիպումներ, ուսումնական այցեր եւ այլ գործողություններ:

Հոդված 3

Կողմերը կհամագործակցեն հնարավորությունների սահմաններում ազգային փոքրամասնություններին պատկանող անձանց համար երաշխավորելու իրենց լեզուն ուսումնասիրելու կամ այդ լեզվով կրթություն ստանալու համարժեք հնարավորություններ:

Հոդված 4

Կողմերը կհամագործակցեն Հայաստանի Հանրապետության ոստիկանության կրթական բարեփոխումներին օժանդակելու համար, տրամադրելով իրենց հմտությունը, մասնագիտական աջակցությունը եւ փորձագիտական գիտելիքները վերոհիշյալ ոլորտում, ինչպես նաև կխթանեն «ոստիկանի» մասնագիտության ձեւավորմանը:

Հոդված 5

Կրթության որակն առավել բարձրացնելու նպատակով Կողմերը կհամագործակցեն՝ Հայաստանում ժողովրդավարական եւ ուսանողների ավելի լայն ընդգրկում ունեցող ներկայացուցչական մարմինները հզորացնելու համար, ինչպես նաև կիրականացնեն բուհերում թափանցիկությունը խթանող գործունեություն:

Հոդված 6

1. Կողմերը կաջակցեն էկոլոգիական կրթության և առողջ շրջակա միջավայր ունենալու իրավունքի մասին իրազեկության բարձրացմանը՝ մասնագետների վերապատրաստման և կրթական նյութերի և դասագրքերի բարելավման և մշակման միջոցով, և կխթանեն դրանց ընդգրկումը ուսումնական հաստատությունների համապատասխան կրթական ծրագրերում՝ որպես դրանց անբաժանելի մաս:

2. Կողմերը կհամագործակցեն ուսումնական հաստատություններին բնապահպանական հարցերի վերաբերյալ փորձագիտական աջակցություն տրամադրելու շուրջ:

Հոդված 7

Իր ունեցած ռեսուրսների շրջանակներում Գրասենյակը Նախարարությանը կտրամադրի ԵԱՀԿ-ի կողմից տպագրված՝ տարածման համար նախատեսված նյութեր:

Հոդված 8

Սույն հուշագիրը չի բացառում Կողմերի միջև այլ համագործակցություն և աջակցություն և Նախարարության խնդրանքով՝ Գրասենյակը պատրաստ է տրամադրելու ցանկացած այլ տեսակի օժանդակություն իր մանդատի և ունեցած ռեսուրսների շրջանակներում:

Հոդված 9

1. Գրասենյակը կհամաձայնեցնի տրամադրվող աջակցությունը Նախարարության հետ՝ խուսափելու միջոցների օգտագործման ընթացքում մասնակի համընկնումներից, կրկնությունից և անարդյունավետությունից:

2. Նախարարությունը իր կողմից կտեղեկացնի ԵԱՀԿ-ին այլ գործընկերների հետ ունեցած համագործակցության և Նախարարությանը տրամադրվող աջակցության մասին, որոնք առնչվում են սույն Հուշագրի առարկային:

Հոդված 10

Սույն Հուշագրի մեկնաբանությունից, կիրարկումից և (կամ) կիրառումից ի հայտ եկած բոլոր վեճերը, տարաձայնությունները կամ պահանջները կկարգավորվեն Կողմերի միջև բանակցությունների և խորհրդակցությունների միջոցով:

Հոդված 11

Սույն Հուշագրում պարունակվող կամ դրան առնչվող ոչինչ չափաք է համարվի ԵԱՀԿ-ի և/կամ նրա աշխատակիցների արտոնություններից կամ անձեռնմխելիությունից հրաժարում:

Հոդված 12

Կողմերի փոխադարձ համաձայնությամբ սույն Հուշագրում կարող են կատարվել փոփոխություններ և լրացումներ, որոնք ձևակերպվում են առանձին արձանագրություններով: Արձանագրություններն ուժի մեջ են մտնում Հուշագրի 13-րդ հոդվածով նախատեսված ընթացակարգի համաձայն և կազմում են դրա անբաժանելի մասը:

Հոդված 13

1. Սույն Հուշագիրն ուժի մեջ է մտնում Կողմերի կողմից այն ստորագրելու օրվանից և ուժի մեջ կմնա այնքան ժամանակ, քանի դեռ Կողմերից մեկը մյուսին գրավոր չի ծանուցել այն դադարեցնելու իր մտադրության մասին:

2. Դադարեցումը ուժի մեջ կմտնի ծանուցումը ստանալու օրվանից 90 օր անց:

Հոդված 14

Սույն Հուշագիրը ստորագրվել է Երեւան քաղաքում 2010 թվականի դեկտեմբերի 6-ին, երկու բնօրինակով, յուրաքանչյուրը՝ հայերեն և անգլերեն: Սույն Հուշագրի դրույթների մեկնաբանության ժամանակ տարաձայնություն առաջանալու դեպքում գերակայությունը կտրվի անգլերեն տեքստին:

Հայաստանի Հանրապետության
կրթության և գիտության
նախարարության կողմից՝

ԵԱՀԿ երեւանյան գրասենյակի
կողմից՝

պրն. Էրմեն Աշոտյան

դեսպան Սերգեյ Կապինու

Հայաստանի Հանրապետության
կրթության և գիտության նախարար

ԵԱՀԿ երեւանյան գրասենյակի
ղեկավար